



UNIVERSITETI I PRISHTINËS  
"HASAN PRISHTINA"  
FAKULTETI I SHKENCAVE MATEMATIKE NATYRORE

Rr. Eqrem Çabej, 10000 Prishtinë, Republika e Kosovës  
Tel: +381-38-249-873 • E-mail: [fshmn@uni-pr.edu](mailto:fshmn@uni-pr.edu) • [www.uni-pr.edu](http://www.uni-pr.edu)

FSHMN

Ref. nr. 4476

Prishtinë, Dt. 20/10/2025

RAPORT I VLERËSIMIT TË DORËSHKRIMIT TË PUNIMIT TE DIPLOMES  
MASTER

FAKULTETI	i Shkencave Matematike Natyrore
Departamenti/ Programi	i Gjeografisë
Projektpropozimi	Analizë demografike e regjistrimit të popullsisë, banesave dhe ekonomive familjare në Kosovë 2014
Kandidati	Bleona Shehu
Mentori	Prof. Asoc. Dr. Mimoza Dushi
Aprovimi i projekt propozimit në	Datë: 27.11.2024
Këshillin e Fakultetit	Vendimi nr.: 5742

**Vlerësimi i dorëshkrimit**

Kandidatja Bleona Shehu studente në programin master të Gjeografisë, pas përfundimit të suksesshëm të provimeve dhe përmbushjes së obligimeve të tjera të parashikuara me rregullore, ka fituar të drejtën të punojë në temën e diplomës me titull: "Analizë demografike e regjistrimit të popullsisë, banesave dhe ekonomive familjare në Kosovë 2014".

Punimi është i strukturuar në shtatë kapituj tematikë dhe trajton me seriozitet e kujdes një temë me rëndësi të veçantë shoqërore dhe demografike. Qasja metodologjike është ndërtuar mbi metoda historike, analitike e statistikore dhe krahasuese, ndërsa të dhënat bazohen kryesisht në burime zyrtare si Agjencia e Statistikave të Kosovës, si dhe në burime të përzgjedhura të literaturës akademike. Punimi përban 73 faqe tekst, 21 tabela dhe shtatë grafikone.

Në kapitujt hyrës, kandidatja ka formuluar në mënyrë të qartë pyetjet e hulumtimit dhe hipotezat, duke ndërtuar bazën teorike të hulumtimit. Ajo e ka përqëndruar analizën në lëvizjen e numrit të popullsisë në Kosovë, sipas regjistrimeve të popullsisë. Gjithashtu ka përcaktuar qëllimet e studimit, të cilat janë: të analizojë lëvizjen e numrit të popullsisë së Kosovës në regjistrimin e vitit 2024 dhe të shqyrtojë faktorët që kanë ndikuar në ndryshimet demografike.

Në pjesën e tretë të punimit, trajtohet çështja e regjistrimit të popullsisë, ekonomive familjare dhe banesave, përfshirë definimin e koncepteve, llojin e të dhënave, organizimin e procesit të regjistrimit, formën e mbledhjes së të dhënave dhe analizën e tyre. Gjithashtu, jep të dhënat për institucionet

përgjegjëse rreth organizimit, krijimit dhe funksionimit të strukturave organizative, dhe përgjegjësitë qytetare.

Më tej, në kapitullin vijues trajton aspektin historik të regjistrimeve të popullsisë në Kosovë. Analizon zhvillimet politike, administrative e territoriale në regjistrimet e periudhës kohore 1921-1981 në Kosovë. Në këtë pjesë analizon lëvizjen e numrit të popullsisë në Kosovë, me theks të veçantë shqyrton edhe ndikimin e faktorëve demografikë, ekonomikë, socialë, politikë në ndryshimin e numrit të popullsisë nëpër regjistrime. Në formë tabelare shqyrton popullsinë sipas strukturës së moshës, gjinisë, nivelit të arsimimit, duke e shqyrtuar ndaras lëvizjen e shkallës së analfabetizimit, strukturën etnike, migrimet e popullsisë dhe ekonominë familjare. Në vazhdim përshkruan vlerësimin e popullsisë të realizuar në 1991 si rezultat i refuzimit të shqiptarëve për pjesëmarrje, përfshirë arsytet e refuzimit dhe vlerësimin e realizuar nga Enti Federativ Statistikor Jugosllav dhe rezultatet e tij. Njëjtë, analizon lëvizjen e karakteristikave demografike të popullsisë në Kosovë sipas të dhënave të vlerësimit të vitit 1991. Në të njëjtin kapitull trajtohen edhe rezultatet e regjistrimit të popullsisë të vitit 2011. Në këtë pjesë kandidatja përveç analizës së njëjtë të të gjitha komponenteve demografike sikurse në regjistrimet e mëparshme, në këtë pjesë zgjerohet edhe në vlerësimin e procesit të regjistrimit, përfshirë çështjet organizative dhe metodologjike që mund të kenë ndikuar në rezultatin final. Analizon veçanërisht ndikimin e konceptcionit të modifikuar, përmes të ashtuquajturës “lista suplementare” për regjistrimin e personave që jetojnë jashtë kufinjëve për më shumë se 12 muaj.

Në kapitullin e gjashtë, që njëherit është edhe pjesa qendrore e këtij studimi, kandidatja ka analizuar edhe një herë çështjeve organizative të regjistrimit, me theks në risitë në çështje metodologjike e teknike të regjistrimit të popullsisë, ekonomive familjare dhe banesave në Kosovë në vitin 2024. Këtu përshkruan gjithë procesin dhe përgatitjet që e kanë karakterizuar këtë regjistrim përfshirë ligjin e regjistrimit, pyetësorët, konceptcionin e regjistrimit dhe mundësinë e regjistrimit të popullsisë së Kosovës që jeton jashtë kufinjëve të saj, si dhe aplikimin e metodës elektronike CAPI (Computer-Assisted Personal Interviewing) për mbledhjen e të dhënave në terren, regjistrimin pilot dhe fazën e mbledhjes së dhënave.

Në të njëjtën pjesë, analizon rezultatet e regjistrimit të popullsisë, ekonomive familjare dhe banesave të vitit 2024, sipas karakteristikave demografike dhe strukturave biologjike, ekonomike-sociale e intelektuale të popullsisë, nganjëherë duke e krahasuar me regjistrimet e kaluara të popullsisë. Gjithashtu, për të shqyrtuar ndryshimet në numrin e përgjithshëm të popullsisë në vitin 2024, kandidatja ka analizuar edhe lëvizjen e komponenteve vitale të popullsisë, lindshmërisë dhe vdekshmërisë.

Në kapitullin vijues, të gjashtin me rradhë, kandidatja analizon kufizimet metodologjike që kanë ndikuar drejtpërdrejt në procesin e analizës dhe në interpretimin e rezultateve. Këtu, si kufizime përmenden të dhënat jo të plota ose jo të standardizuara të regjistrimeve të kaluara, të cilat e kanë kufizuar mundësinë për të nxjerrë përfundime të plota mbi evolucionin demografik e social në Kosovë. Në këto raste, për të arritur të kompletojë analizën e lëvizjes së numrit të popullsisë, asaj i është daashur të shfrytëzojë burime dytësore, të cilat nganjëherë nuk janë të plota, në varësi të konteksteve tjera që analizohen.

Në përfundim, kandidatja përmbledh të gjitha gjetjet kryesore të punimit. Jep një pasqyrë të plotë të lëvizjes së numrit të popullsisë, të ndarë sipas moshës, gjinisë dhe tipit të vendbanimit, për regjistrimin e popullsisë, ekonomive familjare dhe banesave në vitin 2024 dhe krahasueshmërinë me vitin 2021. Në këtë pjesë kandidatja mbron hipotezat e ngritura në fillim se tkurrja e popullsisë është e evidente, rritja demografike lidhet me zhvillimin ekonomik, dhe se migrimi i jashtëm ka qenë një faktor kryesor i rënies së popullsisë.

Punimi i diplomës së kandidatës Bleona Shehu është i ndërtuar në mënyrë të qëndrueshme dhe mbështetet në të dhëna relevante e literaturë shkencore. Kandidatja dëshmon aftësi të qarta për

analizë teorike dhe empirike, shprehje akademike të saktë dhe qasje serioze kërkimore. Struktura e punimit është e qartë, përmbajtja e qëndrueshme dhe përfundimet janë në përputhje me qëllimin e deklaruar.

Në mbështetje të këtij vlerësimi, Komisioni për vlerësimin e dorëshkrimit të temës së diplomës master te titull “Analizë demografike e regjistrimit të popullsisë, banesave dhe ekonomive familjare në Kosovë 2014” të kandidatës Bleona Shehu, ka marrë parasyh të gjitha vështirësitë që e përcjellin punën kërkimore e empirike dhe paraqet këtë


## P R O P O Z I M

Departamentit të Gjeografisë dhe të instancave përkatëse të Fakultetit Shkencave Matematike-Natyrore që tema e masterit “Analizë demografike e regjistrimit të popullsisë, banesave dhe ekonomive familjare në Kosovë 2014” e kandidatës Bleona Shehu, i plotëson kushtet profesionalo-shkencore dhe ligjore që të procedohet për mbrojtje publike dhe kandidatja të fitojë titullin e masterit të shkencave gjeografike.

Prishtinë, 20.10.2025

Komisioni:

  
Prof. Dr. Arsim Ejupi, kryetar

  
Prof. Asoc. Dr. Mimoza Dushi,  
anëtare

  
Prof. Ass. Dr. Fitim Humolli, anëtar